



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XV. De testamentis clericorum.

urn:nbn:de:hbz:466:1-15588

multitudine præbendarum Canonibus inimica ,
quæ dissolutionis materiam & vagationis inducit ,
& certum continet periculum animarum : eorum ,
qui ecclesiis digne valeant deferuire , volumus ec-
clesiasticis beneficiis indigentiam subleuari. Præ-
terea , quia in tantum quorundam laicorum pro-
cessit audacia , ut episcoporum auctoritate negle-
cta , clericos instituant in ecclesiis , & remoueant
etiam cum voluerint ; possessiones quoque , atque
alia bona ecclesiastica , pro sua plerumque volun-
tate distribuant , & tam ecclesiæ ipsas quam earum
homines , talliis , & exactiōibus præsumant gra-
uare : eos qui amodo ista commiserint , anathe-
mate decernimus feriendos ; presbyter autem si-
ue clericus , qui ecclesiam per laicos sine proprii
episcopi auctoritate receperit tenendam , com-
munione priuetur : & si persistiterit , a ministerio
ecclesiastico & ordine deponatur. Sane quia laici
quidam ecclesiasticas personas & ipsos etiam epi-
scopos suo iudicio stare compellunt , eos qui de-
ctero id præsumperint , a communione fide-
lium decernimus segregandos. Prohibemus etiam
ne laici decimas cum animarum suarum periculo
detinentes , in alios laicos possint aliquo modo
transferre. Si quis vero receperit , & ecclesiæ non
* tradiderit , Christiana sepultura priuetur.

XV.

Cum in officiis caritatis illis primo teneamur
obnoxii , a quibus nos beneficium cognoscimus ac-
cepisse ; e contrario ecclesiastici quidam clerici ,
cum ab ecclesiis suis multa bona perceperint , bona

ANNO
CHRISTI
1179. per ecclesias acquisita, in alios usus presumant transferre. Hoc igitur quia & antiquis Canonibus constat inhibitum, nos etiam nihilo minus inhibemus. Indemnitati itaque ecclesiarum prouidere volentes, siue intestati decesserint, siue aliis conferre voluerint, penes ecclesias eadem bona præcipimus remanere. Præterea quoniam quidam in quibusdam partibus sub precio statuuntur, qui decani vocantur, & pro certa pecuniæ quantitate episcopalem iurisdictionem exercent, præsenti decreto statuimus, ut qui de cetero id præsumperit, officio suo priuetur, & episcopus conferendi hoc officium potestatem amittat.

XVI.

Cum in cunctis ecclesiis, quod pluribus, & senioribus fratribus visum fuerit, incunctanter debet obseruari: graue nimis, & reprehensione est dignum, quod * quarumdam ecclesiarum pauci quandoque non tam de ratione, quam de propria voluntate ordinationem * multoties impediunt, & ordinationem ecclesiasticam procedere non permittunt. Quocirca præsenti decreto statuimus, ut nisi a paucioribus & inferioribus aliquid * rationabile fuerit ostensum, appellatione remota, semper præualeat, & suum consequatur effectum, quod a maiori, & * seniori parte * capituli fuerit constitutum. Nec nostram constitutionem impedit, si forte aliquis ad conseruandam ecclesiarum consuetudinem iuramento se dicat adstrictum: non enim dicenda sunt iuramenta, sed potius periuria, quæ contra utilitatem ecclesiasticam, & sanctorum pa-

LII iij